



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაბაკარი

ბაბაკარი, განედური დაბალი ქედი (სერი) აღმ. საქართველოში, მარნეულის მუნიციპალიტეტში, ლოქის ქედისაგან გამოყოფილია მდ. დებედის ხეობით და გრძელდება მის აღმ-ით მთა ბაბაკარამდე (700 მ).

სიგრძე 18 კმ, უმაღლესი მწვ. თარსი (884 მ). ქედის ჩრდ., უფრო განიერი კალთა საქართველოშია, სამხრ. – აზერბაიჯანში. აგებულია ვულკანოგენური ფაციესის ზედაცარცული კირქვებითა და მერგელებით. დასერილია მშრალი (პერიოდული) ხევ-ხეობებით. შემოსილია ძირთადად ჯაგრცხილნართა და ჯაგეკლიანი ბუჩქნარით. აქა-იქ შერეული ტყეებია.

დ. უკლება
